



UNIVERSITÄTS-
BIBLIOTHEK
PADERBORN

Universitätsbibliothek Paderborn

**Cornelii Jansenii Iprensis Episcopi Augustinus Europaeus
Perperam Dictus**

Wavre, Philippus van

Antverpiae, 1709

§. 9. Frivola est postulata ab Avito [et]c. audientia.

urn:nbn:de:hbz:466:1-39351

VEROS JANSENISTAS. 635

Quod si Clemens Papa Sanctissimus severiori vos Ecclesiasticæ disciplinæ nervo, abnegatâ Janseniani operis ulteriori discussione ad obedientiam compulerit, laudabunt in eo Catholici, quod in Cælestino Prosper, nimirum: Sciens damnatis non Examen Iudicii, sed solum S. Prosper pœnitentiæ remedium esse præstandum: Cælestium, cont. Collat. quasi non discussio negotiò audientiam postulantem, cap. 41. totius Italiæ finibus iussit extrudi: & Præcessorum suorum statuta, & Decreta Synodalia inviolabiliter servanda censebat: Ut quod semel meruerit abscindi, nequaquam admitteret retractari.

§. 9.

Ostenditur, quam sit frivola pro defensione quinque Propositionum è Cornely Iansenij Libro excerptarum postulata ab Avito Academico, Paulo Aurelio, & Vincentio Paleologo audientia Partium contradictoriarum, ac novi norma Iudicii. Ex verbis tuis Justificaberis, & ex verbis tuis condemnaberis.

Pro feralibus seditionibus sopiendis, requiritur Juridica libri (Jansenii) discussio, ubi defensionis locus detur, partes audiantur contradictoriae, & omnibus perceptis, consideratis, expensis, peremptoria dicatur sententia, inquit Paulus Aurelius.

Paulus Aurelius
Prolog. Gal.
§. 4. sect. 3.
Fol. 69,

Causam è jure depromptam habes cum ita ratiocinatur: Clamant jura omnia divina & humana, non oportere quemquam damnari priusquam locum defendendi accipias ad abluenda crimina. Censet ergò magnus ille legum peritus de libris

&

636 EXCURSUS CONTRA

& personis idem esse iudicium. Sic ut libri erroris argui non possint nisi defensi, quemadmodum nec Personæ ultione perstringi inaudita, & indefensa. Quod postremum non semper, præsertim in Notoriis verum esse asseruit in sui defensionem exemplò Pauli Apostoli incæstuosum absentem damnantis Gloriosissimus Martyr & Archiepiscopus Thomas Cantuariensis.

Sed liberaliter eò concessò, quis non videat aliam Personarum, aliam Scriptorum dijudicandorum esse causam? Libri è suo contextu veniunt iudicandi. Quod si eorum sensum ab Authoris interrogatione & responsis librandum duxeris, quis de Testamentis, Codicillis, Legatisve censebit? quis lites dirimet, nisi Testatorum Manes ab inferis revocati de sensu Monumentorum suorum fuerint ad iudicium citati? Quomodò Ecclesia Libros mortuorum proscripsit Auctorum, quomodò damnavit erroneos sensus eorum? Quomodò Gregorius Magnus Capitula Ibræ ac Theodoretì iustissimè damnata censuit, & damnari præcepit post fata eorum? Quas ergò Partes pro causa Jansenii convocandas autumant Defensores illius? Num Jansenium ipsum ad iudicium cogent? Num Discipulos ejus præoccupatò mentis oculò librum legentes? Placetne sic Hæredes constituere Interpretes testamentorum controversorum? Tutius equidem iudicibus illis iudicium Janseniani voluminis delatum oportuit, ad quorum tribunal in causa dogmatica perfidia non habet accessum, ubi pretiosum à vili sinè erroris periculo discriminandum censuere omnes Ecclesiæ Patres atque Doctores, agnoscetes Romanam Sedem velut Matrem, ac omnium Ecclesiarum Magistram, quæ filios non optat ullà labe erroris aspergi, sed esse penitus immaculatos, præsertim sacros Præsules in pace defunctos. Cur ergò non huic

po-

potius censuræ parendum, quàm Privatorum calculo disputantium acquiescendum statuent omnes devoti Romanæ Ecclesiæ filii? Ego, dicere debent cum Doctore Bethlemitico, *Cathedra Petri communionem consocior.*

Sed argutiunculas Jansenianorum quasi de jure certantium jam dudum difflaverat S. Maximus Ecclesiæ Aquileiensis Episcopus in Synodo Lateranensi dicens ad S. Martinum adversus Pyrrhum, Cyrum, Sergium, Paulum, aliosque Monotholitas, quorum accusatores & testes aberant: *Si places vestræ beatitudini, convenienter de his, quæ proponuntur, cognoscamus per conscripta eorum adversus fidem exposita, quæ & sine accusantis Persona redarguenda apertissimè demonstrantur: Propterea enim accusatio extranea superflua esse dignoscitur, quoniam à suis temerariis conscriptis apertius accusantur, quibus omnem mundum accusasse noscuntur.* Ità namquè Dominus ait: EX ORE TUO JUDICABO TE. EX VERBIS TUIS JUSTIFICABERIS, ET EX VERBIS TUIS CONDEMNERIS.

Consonantem audi VI. Synodum: *Per quintum Concilium constitutum est, ut eorum opuscula, quæ latenter reperta sunt, repleta abominatione anathematizarentur.*

Ipsè quoque Theodoretus Ephesini Latrocinii sententiam contrà se dictam retractari postulans, cunctos à se conscriptos libros recenset, & continenter clamat: *Rogamus, judicium ex scriptis constituatur.* Ecquid ipse Jansenius si operis sui vindex adstaret aliud à judicibus efflagitaret, nisi: *Rogamus, judicium ex scriptis constituatur.* Nec verò Sedes Apostolica aliud quàm ex scriptis Cornelii Jansenii suum contrà famosam Pentadem judicium constituisse credenda est, dum è Libro illo excerptas, & in sensu Cornelii Jansenii quinque Propositiones se damnare professæ

638 EXCURSUS CONTRA

fessa est. Et quis de æquitate addubitet, cum teste Avito, nihil sit *Jansenio* in *Jansenio clarus*? hinc enim facile invenire potuit, quod abjiceret, sensumque Jansenij erroneum esse quem ipsa damnaret. Legit, discussit, libravit Librum Cornelii Jansenii, cui titulus *Augustinus*, suumque ex scriptis iudicium constituit. Igitur causa finita est, finiatur error, succedat audientiae malè petitiæ & inverecundæ, poenitentia verecunda.

EPILOGUS PARÆNETICUS

Ad Avitum Academicum, Paulum Aurelium, Vincentium Paleologum Jansenianorum Goliathum.

Considera pactum, conditionem attende: militiam nosce: conditionem, quâ accessisti, pactum quod spondidisti. S. Jo. Chrystost. Serm. de Martyribus.

*S. Aug.
tunc. 1. in
psal. 33.*

*S. Chrystost.
hom. 65.*

Vir ille spurcius de Castris Philistinorum nomine Goliath, qui exprobravit agminibus Israël, qui ad singulare certamen Davidem provocavit, non minori Spiritûs tumore inflatus, quàm carnis mole elatus, Diaboli, qui superbis principatur, typum gessit. Et quod David prostravit Goliath, Christus est qui occidit Diabolum. Quid est autem Christus Diabolum occidit? humilitas occidit superbiam. Non desinit tamen habere ille Goliathus sequaces, qui Agminibus Israël, qui Principibus Ecclesiæ exprobrant, qui ad Monomachiam quemlibet provocent. Prava enim Doctrina, ut ait Chrysostomus, nihil aliud est, quàm inanis gloriæ filia: sive quam plantavit ratio, intempestiva scrutatio, rigavit stolidi superbia, ambitiosa cupiditas auxit. Undè & de Gnosti-